


徐氏醫學十六種



吳江徐靈胎洞溪著

濕

金匱

太陽病關節痠痛而煩脈沈而細者此名濕痺濕痺之候小便不利大便反快但欲利其小便者為病一身盡痠發熱身色如黃黃也此黃與黃濕家真人但頭汗出背強欲得被覆而大若下之早則嘔或胸滿小便不利舌上如胎者以丹田有熱胸上有寒渴欲得飲而不能飲則口燥煩也濕家下之煩上汗出微喘小便利者死若下利不止者亦死風濕相搏一身盡痠痛法當汗出而解值天陰雨不止醫云此可發汗汗之病不愈者何也蓋發其汗汗大出者但風氣去濕氣在是故不愈也若治風濕者發其汗但微微欲出汗者風濕俱去也濕家病身發熱面黃而喘頭痛鼻塞而煩其脈大自能飲食腹中和無病病在頭中寒濕故鼻塞納藥鼻中則愈納鼻之藥金匱未載俟廣求其法以補之亦不過牙皂承涕之類

濕方

麻黃加朮湯金匱

濕家身煩痠可與麻黃加朮湯發其汗為宜慎不可以大攻之

麻黃

三兩

桂枝

二兩

甘草

一兩

杏仁

七十個

白朮

四兩

右五味以水九升先煮麻黃減二升去上沫納諸藥煮取二升半去滓溫服八合覆取微似汗此濕家發汗之主方

防己黃耆湯金匱

風濕脈浮身重汗出惡風者此湯主之

防己

一兩

甘草

半兩

白朮

七錢

黃耆

一兩一分

去蘆

右剉麻豆大每抄五錢匕生薑四片大棗一

枚水盞半煎八分去滓溫服良久再服喘者加麻黃半兩胃中不和者加芍藥三分氣上衝者

加桂枝三分。下有陳寒者加細辛三分。服後當如蟲行皮中。從腰下如水。後坐被上。又以一被繞腰下。溫令微汗差。

麻黃杏仁薏苡甘草湯金。病者一身盡疼。發熱日晡所劇者。名風濕。此病傷於汗出當風。或久傷取冷所致也。

麻黃兩 湯兩 甘草一兩 薏苡仁半兩 杏仁十個 去皮尖炒。右剉麻豆大。每服四錢水一盞半。煮八分。去滓。

溫服有微汗避風。

桂枝附子湯金。傷寒八九日。風濕相搏。身體痠痛。不能自轉側。不嘔不渴。脈浮虛而澀者。桂枝附子湯主之。若大便堅。小便自利者。去桂加白朮湯主之。

桂枝四兩 去皮 生薑三兩 切 附子三枚 泡去皮破八片 甘草二兩 炙 大棗十二枚 擘。右五味以水六升。煮取二升。去滓分溫

三服。

白朮附子湯金。

白朮二兩 附子一枚 半泡去皮 甘草一兩 炙 生薑半兩 切 大棗六枚。右五味以水三升。煮取一升。去滓分溫三

服。一服覺身重。半日許再服。三服多。盡其人如冒狀。勿怪。即是木附並走皮中。逐水氣未得除故耳。

甘草附子湯金。風濕相搏。骨節痠痛。掣痛不得屈伸。近之則痛劇。汗出短氣。小便不利。惡風不欲去衣。或身微腫者。此湯主之。

甘草二兩 附子二枚 泡 白朮二兩 桂枝四兩 去皮。右四味以水六升。煮取三升。去滓溫服一升。日三服。

初服得微汗。則解。能食。汗出復煩者。服五合。恐一升多者。服六七合為妙。此風濕而兼寒者。二妙散治筋骨皮痛因濕熱者。如有氣加氣藥。如血虛加血藥。如痛甚以薑汁熱辣服之。

黃柏炒 蒼朮炒去 右為末生薑研沸湯調服如金匱氣實者酒佐之在表之熱當微之在裏

不外乎此

黑地黃丸通規

喝

金匱

太陽中喝發熱惡寒身重而疲痛其脈弦細孔遲小便已灑灑然毛聳手足逆冷小有勞身即熱口開前板齒燥若發其汗則惡寒甚加溫針則發熱甚若下之則淋甚此中喝乃中時行之熱氣與卒然中暑病象如霍亂者不同當別之

喝方

白虎人參湯金匱 太陽中熱者喝是也汗出惡寒身熱而渴此湯主之

知母六兩 石膏一斤 甘草二兩 粳米六合 人參三兩 右五味以水一斗煮米熟湯成去滓溫服一

升日三服熱入裏則外惡寒清裏熱則惡寒自解然亦須詳審有表無表方為精密况凡屬汗出多之病無不惡寒者以其惡寒汗出而誤認為寒用大順散等熱劑則立危矣

一物瓜蒂散金匱 太陽中喝身熱疼重而脈微弱此以夏月傷冷水水行皮中所致也

瓜蒂二十個 右剉以水一升煮取五合去滓頓服此方服之當吐

香薷飲局方 治暑熱乘涼飲冷陽氣為陰邪所遏頭痛發熱惡寒煩躁口渴腹滿吐瀉者

香薷一斤 厚朴薑汁炒 白扁豆炒各半斤 右水煎浸冷服此治時行暑病之主方其分兩則五錢至一兩止

十味香薷飲 即前方加人參甘草黃耆木瓜陳皮白朮茯苓

黃連香薷飲 即香薷飲加黃連四兩薑汁同炒黃色

枇杷散局方 治中暑伏熱煩渴引飲嘔逆惡心頭目眩暈

枇杷葉 陳皮 丁香 厚朴各五錢 白茅根 麥冬 木瓜 甘草各一兩 香茹各一兩

右為末。每二錢薑三片。煎湯調服。溫服亦可。如煩躁并水調下。小兒三歲以下。服五分量。大小加減。

蟾酥丸秘方

茅末

雄黃各一錢 辰砂五錢 麝香一錢 丁香

牙兒各三錢 蟾酥五錢

右用大酒化蟾酥打丸

如鳳仙子大辰砂為衣。放舌底化下。重者二三丸。

千金丹秘方即人馬平安散

麝香

冰片各二錢 硃砂五錢 雄黃

硼砂

硝各一兩 金箔一百張或加牛黃

右七味為末。或水服

二三分。或嗅少許於鼻內。

又刮痧法。用薄錢蘸香油。刮胸背及臂股灣。令色紫疹起為度。或用婦人縛髮油。繩蘸油刮亦可。

紫金錠

蘇合丸各一錢 藿香正氣散各一錢

生脈飲

六一散以上俱見通治

痧瘧

素問

瘧論黃帝問曰。夫瘧瘧皆生於風。其畜作有時者。何也。岐伯曰。瘧之始發也。先起於毫毛。伸欠乃作。寒慄鼓頤。腰脊俱痛。寒去則內外皆熱。頭痛如破。渴欲冷飲。帝曰。何氣使然。岐伯曰。陰陽上下交爭。虛實更作。陰陽相移也。陽并於陰。則陰實而陽虛。陽明虛則寒慄鼓頤也。巨陽虛則腰脊頭痛。三陽俱虛則陰氣勝。陰氣勝則骨寒而痛。寒生於內。故中外皆寒。陽盛則外熱。陰虛則內熱。外內皆熱則喘而渴。故欲冷飲也。此皆得之夏傷於暑。熱氣盛藏於皮膚之內。腸胃之外。此榮氣之所舍也。此令人汗孔疎。腠理開。因得秋氣。汗出遇風。及得之以浴。水氣舍於皮膚之內。與衛氣并居。衛氣者。晝行於陽。夜行於陰。此氣得陽。

而外出得陰而內薄內外相薄是以日作帝曰其間日作者何也岐伯曰其氣之舍深內薄於陰陽氣獨發陰邪內著陰與陽爭不得出是以間日而作也帝曰其作日晏與日早者何氣使然岐伯曰邪氣客於風府循脊而下衛氣一日一夜大會於風府其明日日下一節故其作也晏此先客於脊背也每至於風府則腠理開腠理開則邪氣入邪氣入則病作以此日作稍稍益其出於風府日下一節二十五日下至胛骨二十六日入於脊內注於伏膂之內其氣上行九日出於缺盆之中其氣日高故作日益早其間日發者由邪氣內薄於五臟橫連募原其道遠其氣深其行遲不能與衛氣俱行不得皆出故間日乃作也帝曰夫子言衛氣每至於風府腠理乃發發則邪氣入入則病作今衛氣日下一節其氣之發也不當風府其日作者奈何岐伯曰此邪氣客於頭項循脊而下者也故虛實不同邪中異所則不得當其風府也故邪中於頭項氣至頭項而病中於背氣至背而病中於腰脊氣至腰脊而病中於手足氣至手足而病衛氣之所在與邪氣相合則病作故風無常府衛氣之所發必開其腠理邪氣之所合則其府也帝曰善夫風之與瘧也相似同類而風獨常在瘧得有時而休者何也岐伯曰風氣留其處故常在瘧氣隨經絡沈以內薄故衛氣應乃作帝曰瘧先寒而後熱者何也岐伯曰夏傷於大暑其汗大出腠理開發因遇夏氣淒滄之水寒藏於腠理皮膚之中秋傷於風則病成矣夫寒者陰氣也風者陽氣也先傷於寒而後傷於風故先寒而後熱病以時作名曰寒瘧帝曰先熱而後寒者何也岐伯曰此先傷於風而後傷於寒故先熱而後寒亦以時作名曰溫瘧其但熱而不寒者陰氣先絕陽氣獨發則少氣煩冤手足熱而欲嘔名曰瘧瘧而論此等極多不獨論瘧為然故學者當以意會也岐伯曰瘧之且發也陰陽之且移也必從四末始也陽已傷陰從之故先其時堅束其處令邪氣不得入陰氣不得出審候見之在孫絡盛堅而血者皆取之此真往而未得并者也帝曰時有間二日或至數日發或渴或不渴其故何也岐伯曰其間日

者邪氣與衛氣客於六腑而有時相失不能相得故休數日乃作也 其以秋病者寒甚以冬病者寒不甚以春病者惡風以夏病者多汗 瘧脈緩大虛便宜用藥不宜用鍼凡治瘧先發如食頃乃可以治過之則失時也諸瘧而脈不見刺十指間出血血去必已先視身之赤如小豆者盡取之瘧疾藥當在未來時服刺瘧之法簡易可學不必習針法皆能之亦治瘧之要訣也

風瘧 素生氣通天論魄汗未盡形弱而氣憊六腑以閉發為風瘧 又云夏傷於暑秋為瘧瘧發者為瘧瘧瘧同

似瘧 素生真要大論帝曰大熱復惡寒發熱如有瘧狀或一日發或間數日發其故何也岐伯曰勝復之氣會合之時有多少也陰氣多而陽氣少則其發日遠陽氣多而陰氣少則其發日近此勝復相搏盛衰之節瘧亦同法瘧亦同法則非瘧可知

金匱

師曰瘧脈自弦弦數者多熱弦遲者多寒弦小緊者下之差弦遲者可溫之弦緊者可發汗針灸也浮大者可吐之弦數者風發也以飲食消息止之但熱不寒者邪氣內藏於心外舍分肉之間令人消燂肌肉壯瘧 瘧多寒者名曰牡瘧似當作牝字諸本皆作牝存考

瘧方

龍甲煎丸金匱 病瘧以月一日發當以十五日愈設不差當月盡解如其不差當云何師曰此結為癥瘕

名曰瘧母急治之宜此方

龍甲十一分 烏扇三分 黃芩三分 柴胡六分 鼠婦三分 乾薑三分 大黃三分 芍藥五分 桂枝
葶藶八分 石韋三分 厚朴三分 牡丹五分 瞿麥二分 紫葳三分 半夏一分 人參一分 蜚蠊五分

阿膠三分蜂巢四分赤消十二蜣螂六分桃仁二分右二十三味為末取煨薑下灰一斗清酒一

斛五斗浸灰候酒盡一半著鼈甲於中煮令泛爛如膠漆絞取汁納諸藥煎為丸如梧子大空心服七

九日三服

白虎加桂枝湯金溫瘧者其脈如平身無寒但熱骨節皮煩時吐此湯主之

知母六兩甘草二兩石膏一斤粳米二合桂枝三兩右剉每五錢水一盞半煮至八分去滓溫服

汗出愈內經以先熱後寒為溫瘧但熱不寒為瘧瘧

蜀漆散金瘧多寒者名曰牡瘧此湯主之牡宜作北

蜀漆洗去雲母燒二日夜龍骨等分右三味杵為散未發前以漿水服半錢匕溫瘧加蜀漆半分臨

發時服一錢匕

柴胡去半夏加栝蒌湯金治瘧病發渴者亦治勞瘧

柴胡八兩人參黃芩甘草各三兩栝蒌根四兩生薑二兩大棗十二枚右七味以水一斗二

升煮取六升去滓煎取三升溫服一升日二服

柴胡桂薑湯金治瘧寒多微有熱或但寒不熱

柴胡半斤桂枝三兩乾薑二兩栝蒌根四兩黃芩三兩牡蠣二兩甘草二兩右七味以水一斗二

升煮取六升去滓再煎取三升日三服初服微煩復服汗出便愈

蜀漆九針主瘧瘧連年不差服三七日定差方

蜀漆知母白薇地骨皮麥門冬去心升麻各五兩恒山一兩石膏二兩香豉一合

姜薤烏梅肉鼈甲甘草各一兩右十三味搗篩為末煉蜜和丸如桐子大空腹飲服

蘭臺軌範卷四瘧瘧

十九日再加至二三十丸此方治三日瘧為宜

陵鯉湯千金主瘧疾江南瘧瘧方

陵鯉甲四寸烏賊魚骨 附子炮各一兩恒山三兩 右五味咬咀以酒三升漬一宿未發前稍稍

噉之勿絕吐之并塗五心一日斷食過時久乃食用生藥探吐法

瘧瘧病醫不能救者方千金 外治瘧瘧法以繩量病人脚圍繞足跟及五指一面訖截斷繩取所量

繩置項上著反向背上當繩頭處中脊骨上灸三十壯則定候看復惡寒急灸二十壯則定候至過發

一炊久候之雖飢勿與食盡日此神驗男左足女右足

瘧瘧常山湯外臺吐法

常山三兩 右一味切以漿水三升浸經一宿煎取一升欲發前頓服之後微吐差止忌生葱生菜

牡蠣湯外臺治牡瘧

牡蠣四兩麻黃四兩甘草二兩蜀漆二兩 右四味以水八升先煮蜀漆麻黃去上沫得六升納諸

藥煮取二升溫服一升若吐則勿更服

清脾湯生治熱多陽瘧

青皮 厚朴 柴胡 黃芩 半夏 甘草 茯苓 白朮 草果煨 右九

味加薑三片水煎服

常山飲局治瘧瘧

常山炒酒知母 貝母 草果 檳榔銘烏梅三個 右六味加薑薑煎瘧未發時面東

溫服

烏梅引子 療溫瘧勞瘧

烏梅 七個

桃柳心 各七

葱白 七莖

豆豉 一合

甘草 四分

柴胡 四分

知母 四分

大黃 三分

右八味各

細剉以童子小便兩茶碗宿浸明旦早煎三三沸去滓頓服差未差更作服三服永差忌海藻松菜

集驗瘧必從四肢始療方 先其時一日頃用細左索繩緊束其手足十指過發時乃解之 此即內經之法

四獸湯 治食瘧諸瘧和胃消痰

半夏

人參

茯苓

白朮

橘紅

草果

生薑

烏梅

大棗

甘草 各等

右以鹽少許淹食噀濕紙厚裹慢火煨香熟每服四錢溫服

小柴胡湯 見傷寒

治瘧之法不外諸方惟三日瘧則煎劑不能取效宜病日用煎方以驅邪餘兩日用溫

補以扶元氣又加避風靜養則庶幾矣

痢

素問

通評虛實論帝曰腸澼便血何如岐伯曰身熱則死寒則生帝曰腸澼下白沫何如岐伯曰脈沈則生脈

浮則死帝曰腸澼下膿何如岐伯曰脈懸絕則死滑大則生帝曰腸澼之屬身不熱脈不懸絕何如岐伯

曰滑大者曰生懸滑者曰死以臟期之 氣厥論腎移熱於脾傳為虛腸澼死不可治 大奇論腎脈小

搏沈為腸澼下血血溫身熱者死心肝澼亦下血二臟同病者可治其脈小沈澼為腸澼其身熱者死

太陰陽明論犯賊風虛邪陽受之飲食不節起居不時者陰受之陽受之則入六腑陰受之則入五臟入

六腑則身熱不時卧上為喘呼入五臟則填滿閉塞下為殮世久為腸澼 此俗所謂腸紅病也

金匱

六腑氣絕於外者手足寒上氣腳縮五臟氣絕於內者痢不禁下甚者手足不仁 下痢脈沈弦者下重
脈大者為未止脈微弱數者為欲自止雖發熱不死 下痢手足厥冷無脈者灸之不溫若脈不還反微
喘者死少陰負跌陽者為順也 下痢有微熱而渴脈弱者令自愈下痢渴者自愈以陽氣復而寒邪去也 下痢脈數有微
熱汗出令自愈設脈緊為未解 下痢脈數而渴者令自愈設不差必清膿血以有熱故也 下痢氣者
當利其小便 下痢清穀不可攻其表汗出必脹滿 下痢脈沈而遲其人面少赤身有微熱下痢清穀
者必鬱冒汗出而解病人必微厥所以然者其面帶陽下虛故也 下痢後脈絕手足厥冷時時脈還手
足溫者生不還者死 下痢腹脹滿身體疼痛者先溫其裏乃攻其表以上諸證皆屬寒之痢非暑毒之痢也治法大相懸殊

病源

痢而赤白者是熱乘於血血滲於腸內則赤也冷氣入腸搏腸間津液凝滯則白也冷氣相交故赤白相
雜者其狀如膿涕而血雜之輕者白膿上有赤脈薄血狀如魚脂腦世謂魚腦痢也 血痢者熱毒折於
血入大腸故也 休息痢者胃脘有停飲因痢積久或冷氣或熱氣乘之氣動於飲則飲動而腸受之
故為痢也 痢如膏由臟腑虛冷氣入於大腸成痢冷氣積腸又虛滑脂凝如膏也 蠱蛀痢毒氣侵於
臟腑如病蠱蛀之家痢血雜膿聚黑有片如雞肝與血俱下是也 雜痢謂痢色無定或水穀或膿血或
青或黃或赤或白變雜無常或雜色相兼而痢也挾熱則黃赤熱其則變膿血也冷則白冷其則青黑皆
由飲食不節冷熱不調胃氣虛故變易

痢方

桃花湯

金下痢便膿血者此湯主之

赤石脂

一斤一半乾薑一兩粳米一升右三味以水七升煮米令熟去滓溫服七合納赤石脂

末方寸匕日三服若一服愈餘勿服此治下焦滑脫之痢

白頭翁湯金匱熱痢下重者此湯主之

白頭翁 黃連 黃柏 秦皮各三兩右四味以水七升煮取二升去滓溫服一升不愈再服

紫參湯金匱下痢肺痛此湯主之

紫參半斤 甘草三兩 右二味以水五升先煮紫參納甘草煮取一升半分溫三服紫參疑即爛上經紅色者

訶梨勒散金匱治氣痢

訶梨勒十枚 右一味為散粥飲和頓服

甘草瀉心湯傷寒傷寒中風醫反下之其人下痢日數行穀不化腹中雷鳴心下痞鞭而滿乾嘔心煩

不得安此湯主之

甘草四兩 黃芩二兩 乾薑各三兩 半夏半升 黃連一兩 大棗十二枚 右六味以水一斗煮取六升去滓

再煎取三升溫服一升日三服此治上焦不和之痢

黃芩湯傷寒太陽與少陽合病自下利者與黃芩湯若嘔者黃芩加半夏生薑湯若傷寒本自寒下

醫復吐下之寒格更逆吐下若食入口即吐乾薑黃連黃芩人參湯主之

黃芩三兩 甘草二兩 芍藥各二兩 大棗十二枚 右四味以水一斗煮取三升去滓溫服一升日再夜一

服此熱痢之主方

黃芩加半夏生薑湯傷寒即前方加半夏半升生薑三兩煎服法同

乾薑黃連黃芩人參湯傷寒

乾薑 黃連 黃芩 人參各三兩 右四味以水六升煮取二升分溫再服寫心湯以下四方皆以黃芩為

主而因證加減此
痢疾之正方也

赤石脂禹餘糧湯

傷寒論

傷寒服湯藥下痢不止心下痞硬服瀉心湯已復以他藥下之痢不止醫以理

中湯與之痢益甚理中者理中焦此痢在下焦此湯主之

赤石脂

碎

禹餘糧

碎各一斤

以上二味以水六升煮取二升去滓三服

下焦乃大腸之底也

雄黃丸 夷堅甲志云昔虞丞相自渠州被召進中冒暑得疾泄瀉連月夢壁間有韻語方一紙讀之數

遍其詞曰毒暑在脾濕氣連脾不泄則痢不痢則瘡獨煉雄黃蒸餅和藥甘草作湯服之安樂別作治

瘡醫家大錯如方製藥服之遂愈

此方治暑毒痢

柴胡加芒硝湯

傷寒論

治傷寒胸滿而嘔日晡所發潮熱已而微痢先以小柴胡解外後以此主之 即

柴胡湯加芒硝二兩 右先煮柴胡湯去滓納芒硝分溫再服不解更作

瓜蒌散 治五色痢久不愈者

瓜蒌

一個以炭火煨存性蓋地上出火毒

右研細溫酒服盡

療熱毒痢血片臍下絞刺痛方

臺外

升麻

地榆

茜草

黃連 各六分 犀角 四分 生地 八分 梔子

薤白

香豉 各二

右

九味水六升煮取一升五合分溫三服日再

此血痢之主方

主赤白痢方

臺外

黃連

二兩 阿膠

四片

右二味以酒二升合黃連煎十五沸去滓然後納阿膠令烺溫服三升

此治血熱之痢

療五疳蒸下痢方

臺外

苦參

青箱

甘草

各三兩

右三味以水四升煮取二升半分三灌即愈凡蒸但服地汁即差

此藥治蟲

薤白湯治人傷寒下痢如爛肉汁赤白帶下伏氣腹痛諸熱毒並皆治之

豉詳斤薤白一把梔子七枚大右剉如麻豆大以水二升半先煮梔子十沸下薤白煎至二升許

下豉煎取一升二合去滓每服一湯盞

訶梨勒丸治腸胃積寒久痢純白或有青黑日夜無度

肉豆蔻去皮木香乾薑泡各二兩縮砂仁訶梨勒皮川烏頭泡去白礬各十龍骨洗

赤石脂各八兩右為末用粟米飯為丸如梧子大每服二十丸至三十丸溫粟米飲下食前服甚者

可倍加丸數此溫湯之劑

葛根湯葛根黃芩黃連湯當歸四逆湯大承氣湯小承氣湯四逆散

四逆湯白通加猪膽汁湯白通湯四逆加人參湯通脈四逆湯猪膚湯

陽毒升麻湯以上十三方俱見傷寒門生薑瀉心湯見嘔吐門烏梅丸方見蟲門威喜丸方見通治此方和劑名感應丸

癲狂痢

靈素

靈癲狂篇狂始生先自悲也喜忘苦怒善恐者得之憂飢狂始發少卧不飢自高賢也自辯智也自尊

貴也善罵詈日夜不休狂言驚善笑好歌樂忘行不休者得之大恐狂目妄見耳妄聞善呼者少氣

之所生也狂者多食喜見鬼神善笑而不發於外者得之有所大喜

骨癲靈癲狂篇骨癲疾者顛齒諸膺分肉皆滿而骨居汗出煩惋嘔多沃沫氣下泄不治

筋癲疾靈癲狂篇筋癲疾者身倦攣急嘔多沃沫氣下泄不治

脈癰疾 靈癰狂篇脈癰疾者暴仆四肢之脈皆脹而縱脈滿盡刺之出血嘔多涎沫氣下泄不治
素生氣通天論陰不勝其陽則脈流薄疾并乃狂 宣明五氣論五邪所亂邪入於陽則狂 調經論血
并於陰氣并於陽故為驚狂 至真要大論諸躁狂越皆屬於火 通評虛實論帝曰癰疾何如岐伯曰
脈搏大滑久自己脈小堅急死不治帝曰癰疾之脈虛實何如岐伯曰虛則可治實則死 陽明脈解篇
岐伯曰四肢者諸陽之本陽盛則四支實實則能登高也帝曰其棄衣而走者何也岐伯曰熱盛於身故
棄衣欲走也帝曰其妄言罵詈不避親疎而歌者何也岐伯曰陽盛則使人妄言罵詈不避親疎而不欲
食不欲食故妄走也

陽厥怒狂 素病能論帝曰有病怒狂者此病安生岐伯曰陽氣者因暴折而難決故善怒也病名曰陽
厥帝曰治之奈何岐伯曰奪其食即已使之服以生鐵洛為飢夫生鐵洛飲者下氣疾也

胎病 素奇病論帝曰人生而有病癰疾者病名曰何安所得之岐伯曰病名為胎病此得之在母腹中
時其母有所大驚氣上而不下精氣并居故令子發為癰疾也

難經

癰疾始發意不樂僵仆直視其脈三部陰陽俱盛是也 重陽者狂重陰者癰

病源

風癰 風癰者由氣血虛邪入於陰經故也又人在胎其母卒大驚精氣并居令子發癰其發則仆地吐
涎沫無所覺是也 此俗名羊頭瘋

五癰 五癰者一曰陽癰發如死人遺尿食頃乃解二曰陰癰初生小時臍瘡未愈數洗冷因此得之三

曰風癰發時眼目相引牽縱反強羊鳴食頃方解四曰濕癰眉頭痛身重坐熱沐頭濕結腦肺未止得之

五曰馬癲發作時時反目口噤手足相引身體皆然

鬼魅 凡人為鬼物所魅則好悲而心自動或心亂如醉狂言驚怖向壁悲啼夢寢喜驚或與鬼神交通病苦乍寒乍熱心腹滿短氣不能飲食此魅之所持也 十歲以上為癲十歲以下為澣大體不外三種風驚食是也

千金

驚癰 癰分心肝脾肺腎腸腸之病及馬牛羊猪犬雞之別其象各有所似

癲狂方

生鐵洛為飲素問

生鐵洛即爐冶間鋸落之鐵屑用水研浸可以為飲其質金其氣寒而重最能墜熱開結平水火之邪

故可以下氣疾除狂怒也凡藥中用鐵精鐵華粉鐵砂鐵鏽水之類皆同此意此治怒狂之方

桂枝去芍藥加蜀漆龍骨牡蠣救逆湯傷寒論 治傷寒脈浮醫以火迫劫之亡陽必驚狂起卧不安者

即桂枝湯去芍藥加蜀漆三兩洗牡蠣五兩龍骨四兩 右七味以水一斗煮取二升先煮蜀漆納

諸藥煮取三升去渣溫服一升

柴胡加龍骨牡蠣湯傷寒論 治傷寒下之驚煩小便不利譫語身重不能轉側此湯主之

柴胡 龍骨 人參 茯苓 鉛丹 黃芩 桂枝各半 半夏二合 大黃二兩

牡蠣一兩 生薑一兩 大棗六枚 右十二味以水八升煮取四升納大黃更煮去滓溫服一升

治癲狂百病千金翼

大麻子四升上 以水六升煮令芽生去滓煎取二升空腹頓服或多言語勿怪但使人摩手足奇法

良若子散治五癰

猪卵一百日 良若子 三斤 牛黃 八分 鯉魚膽 五分 桂心 一兩 右五味以清酒一升漬良若子暴

令乾盡酒出搗合下篩酒服五分日再當醉不知稍增

抱膽丸治一切癰癰風狂或因驚恐怖畏所致及婦人產後血虛驚氣入心并室女經脈通行驚邪

蘊結

水銀 硃砂細研各二兩 黑鉛 一兩 乳香 一兩 右將黑鉛入銚子內下水銀結成砂子次下硃砂乳香

乘熱用柳木搥研勻丸雞豆大每服一丸并花水吞下病者得卧切莫驚動覺來即安再服一丸除根

琥珀毒星丸治心膽被驚神不守舍或疾迷心竅恍惚健忘妄言妄見

天南星一斤掘坑深二尺用炭火五升於坑內燒紅取出炭掃淨用好酒一斤 琥珀四兩另研 硃砂一兩

為衣 右和猪心血三個生薑汁打麪糊攪令稠粘將心血和入藥末丸如桐子大每服五十丸煎

人參湯下日三

控涎丹治諸癰久不愈頑涎聚散無時變生諸證

川烏用生半夏湯洗 白殭蠶炒各半兩生薑汁浸一宿 鐵粉三錢 全蠍 甘遂各二錢半 右為細末生薑自

然汁為丸如棗豆大硃砂為衣每服十五丸食後生薑湯下忌食甘草

獨效苦丁香散 治忽患心疾癰狂不止得之驚憂痰氣上犯心包當治其源

以苦丁香即瓜蒂半兩為末每服一錢并花水調滿蓋投之得大吐熟睡勿令人驚起

甘遂散治癰狂及婦女心風血邪

甘遂末一錢用猪心取三管血三條和甘遂多少和之將心批作二片入藥在內合之綿縛外用皮紙